

嘯

餘

譜

南曲譜卷十八

商調慢詞

古款程明善纂輯

集賢賓

此係詩餘亦可唱

柳耆卿作

小樓添院狂遊徧羅綺成叢就裏堪人屬意最是蟲

蟲有畫難描雅態無花可比芳容幾回飲散良宵永

鴛鴦鳳枕香濃算得人間天上惟有兩心同屬音燭

字態字上字俱不用韻永字不用韻亦可就裏鳳枕俱去上聲有畫雅態飲飲俱上去聲妙甚此後

尚有換頭回

太長不錄

永遇樂

此係詩餘亦可唱

解方叔作

宋人

風暖鶯嬌露濃花重天氣和煦院落烟收垂楊舞困
無奈堆金縷誰家巧縱青樓弦管惹起夢雲情緒
當時紋衾綵枕未嘗暫孤鴛侶嬌字重字收字困字
縱字管字時字枕字
俱不必用韻舞困巧縱起夢俱上去
聲俱妙此後尚有俱頭因附上不錄

熙州三臺枕即伊州三臺

王魁舊傳奇非
今焚香記

晚來雲淡風輕意外月兒又明整頓閣兒新飲三杯
自遣悶情換頭又聞倩館芳名猛拚一醉千金活脫
似昭君行來的便是桂英新字金字君俱借
韻倩千夫聲美也

解連環此係詩餘
亦可唱

周美成作

怨懷無託。嗟情人斷絕。信音遼邈。信妙手能解連環。

似風散雨收。霧輕雲薄。燕子樓空。暗塵鎖一牀絃索。

想移根換葉。盡是舊時手。種紅藥。遼音莫絕字。環字。

字俱不必用韻。妙手散雨燕子去上聲。手種上去聲。俱妙。此用入聲韻。此後尚有換頭。因太長不錄。

此詞即用解連環三字。在內妙甚。

秋夜雨

舊譜月錄中亦不載此。黃鐘調通川。

王煥

奇傳

心事無靠托。淚暗滴燈花偷落。我女痴迷。全然不省。

更不思量着。信倖的無數。憑着。你自尋那箇。迷字。省。

俱不必用韻。箇字亦借韻耳。此用入聲韻。信倖音。結掉。即今人俗語也。倖字中州韻註云。俏麗貌。不。

可認作

卓字音

商調近詞

漁父第一

孟月梅

奇傳

是則是路途間好望東方曙色尚早幾點疎星照見

殘月漸落樹梢寒林古木青煙罩宿霧初收水氣高

迢迢古徑通深杳竹塢人家傍小橋傍小橋過遠村

柳堤蟬噪深山內猛聞採樵對清溪見漁人水邊獨

釣莊門開景物尚早牧童跨犢登山道隱隱臨岐酒

旗搖駐馬郵亭共索笑且同飲香醪此曲音律俱協

詞又不深不淺、妙甚、妙甚、今人多唱崔君瑞傳奇
內一套、但用人聲韻、不便于後學、故錄此曲。○此
調之後、當用黃
鍾調、內刮地風、

南曲譜卷十八

南曲譜卷十九

小石調近詞

古歙程明善纂輯

驟雨打新荷

即荷葉鋪水面

黃孝子

推窗看撒玉葩。彤雲滿空岐路賒。冷逼重裘。只見

紛紛蝶翅斜。子猷舟怎駕。浩然驢怎踏。端的壓折枯

槎。凍損梅花。漸覺晚來密愈酒。川韻亦雜推他雷切折音舌綵樓記亦有

此調小有不同

南曲譜卷二十

雙調引子

古歛程明善

真珠簾

與詩餘大同小異

卧冰記

閒庭晝永慵挑繡停針久倦聽得蟬聲高柳年少正
風流喜配合佳偶女貌郎才真罕有算總是前緣輻
輳向樽前同樂鴛幃兩情相守停針久三字用上平
平而久字不用韻亦可流字有字不用韻
亦可前字還當用韻

真珠馬

散曲

真珠簾

簫聲喚起瑤臺月獨倚欄干情慘切此恨與誰

說風馬那更黃昏時節花飛也點點似離人淚血真珠

簾第二句既不相類姑據舊譜載之耳

花心動

與詩餘大同小異

荆釵記

適遣匆匆柰眉峰慵畫鬢雲羞櫳月滿鳳臺星渡鵲

橋和氣滿門填擁抹淡妝濃千嬌種看承似珠擎璧

捧喜氣濃似仙郎仙女會合仙宮適字月字俱可用

宗用仄平平仄或平平仄仄俱可畫字臺字橋字俱不必用韻

謁金門

與詩餘同

琵琶記

春夢斷臨鏡綠雲撩亂聞道才郎遊上苑又添離別

歎換頭苦被爹行逼遣脉脉此情無限骨肉一朝成

折散可憐難捨拚綠字此字骨字俱可用平聲斷字

先天韻歎字限字散字用
寒山韻此高先生痼疾

惜奴嬌

典詩餘同
但無換頭

江流記

老子淒涼歎門楣猶不在病懨懨愁腸似海事到頭

來且宜寬解無奈懨懨捱得形衰力敗涼字不用韻

字不用
韻亦可

寶鼎現

典詩餘同但詩
餘多換頭二段

琵琶記

小門深巷春到芳草人閒清晝人老去星星非故春

又來年年依舊幸喜得今新酒熟滿目花開似繡

願歲歲年年人在花下常斟春酒巷字故字熟字年

干巷字下增裡字幸喜下去了得字似綉改作如

綉即非寶鼎現音調矣寶鼎現元是詩餘之名今

人多改現字作兒字誤矣

金瓏聰

同前

饑荒先自窘那堪連喪雙親身獨自怎支分衣衫都

典盡首飾並沒分文無計策剪香雲連字可用仄聲

用平聲自字策字俱不必用韻

搗練子

此係詩餘亦可唱○新增

馮延巳作

南唐

深院靜。小庭空。斷續寒砧。斷續風。早是夜長人不寐。

數聲和月到。簾櫳。搗練子。詠搗練之事甚妙。

又一體

琵琶記

嗟命薄。歎年艱。含羞和淚向人前。只恐公婆懸望眼。

薄字不用韻。前字借韻。含羞句平平仄仄平平。

與詩餘不同。然皆可唱。但此詩餘偶少一句耳。至

于辭別去一調。

則一字不少矣。

胡搗練

搗練子。胡搗練。俱與搗白練不同。

荆釵記

傷風化壞綱常。萱親逼嫁富家郎。若把我清名虧污。

了。不如一命赴長江。風字、還當用仄聲、化字、了字、俱入。仄平亦可。此曲與琵琶之辭別去、但刻作胡搗練、然俱與詩餘不差一字、恐二曲總是一調、但當名曰搗練子、或誤刻為胡搗練耳。

風入松慢

與詩餘同

卧冰記

深。沉。庭院度年華。詩禮傳家。日長鎮把珠簾掛。深字、庭字、俱可入。用仄聲雅字、覽字、俱可用平聲、史字、不必用韻、今人不如此調為引子、故於香囊浣綃、各引子、皆以不須提起蔡伯喈音調唱之、謬甚矣、乃至遠帶寶釧、生衝場引子、亦風入松矣、何獨以引子唱之耶、非知其為引子也、特以生初上場、不敢不以引子唱之耳、識曲者、能幾人哉、

幽樂事桑麻雅意觀書覽史嬌容閉月羞花

深字、庭字、俱可入。

又一體

此係詩餘亦可唱○新增

張于湖作

東風巷陌暮寒驕燈火開河橋勝遊憶徧錢塘夜青
鸞遠信斷難招蕙草情隨雪盡梨花夢與雲銷夜字
盡字
俱不必用韻第二句第四句各比前曲多一字青
鸞句唱者當于遠字下略斷不可唱作青鸞信遠
也換頭字句皆
與此同故不錄

海棠春

此係詩餘亦可唱

秦少游作

宋人

流鶯窻外啼聲巧睡未足把人驚覺翠被曉寒輕寶
篆沉煙裊換頭不錄覺音叫輕字不用韻流字驚字
俱可用仄聲把字可用平聲寶篆上去聲

被曉去

上聲

夜行船

與詩餘大同小異

荆釵記

一幅鸞箋飛報喜垂白母想已聞知日漸過期人何

不至心下又添憂憶或改名曰停舟可惡一字日字俱可用平聲心字可用仄聲期

字不用韻亦可

夜游湖

湖或作朝非也○新增

琵琶記

惟恐他心思未到

教他

題詩句

暗中

指挑

翰墨

開心

丹青入眼強

如

把語言相告

暗中指挑或作暗裏相挑今從古本舊譜九宮

十三調俱無此調而琵琶記俱刻此名細查與夜行船字句皆同但第一句雖是七箇字而句法則不同耳恐卽是夜行船也若果是夜行船則暗中指挑反當依坊本作暗裏相挑矣

四國朝前

王煥奇傳

謾說謾說風流的如何來吾手下逞更有更有風流
的如何敢音稱舊譜于題下註一前字此四句想是
樓絲樓高結起二句正是此調而今人皆以過曲
唱之誤矣嗟乎琵琶記之鳳凰閣猶以過曲唱之
况絲樓乎

玉井蓮後

琵琶記

忍冷擔饑未知何日是了舊譜于題下註一後字而
蓮後但不知全調幾句耳舊譜忍字上有終朝二
字今依古本不用然此二句又不協韻不可曉也
新水令與北曲不同

拜月亭

淒涼逆旅人千里這繁牽怎生成寐萬苦橫心裏睡

不着是愁都做了枕前淚着字不用韻末句妙甚猶俗語云但是愁都做了枕

前淚也南曲中有此等句法安得不稱獨步哉

五供養

殺狗記

今生有幸喜一身生長豪門家傳朱紫貴世晉纓詩

書盡覽時未至龍門難進今日裏遇風雲那時衣紫

作公卿門字進字雲字俱借韻貴字覽字裏字俱不用韻

又一體

新增

琵琶記

終朝垂淚為雙親教我心疼墳塋須共守只得離宸

京商量

簡

計策猶恐你爹心不肯若是他不從只索

何君王請命

淚字守字策字從字俱不用韻若是一

又有文章過是重一曲亦名五供養既與此二調
不同又與貧窮老漢不同本是引子而今人以貧
窮老漢腔板唱之尤覺牽強豈有四隻山花子在
後而以一曲五供養居前者耶况又非同調也但
恐五供養之名或有謬謬耳今不錄

賀聖朝

與詩餘不同

荆釵記

幾年職掌朝綱

四時燮理陰陽輔一人有慶壽無疆

兆民賴安康

秋藥香

與詩餘大同小異藥舊譜作葉非也

拜月亭

半載紫牽方寸何曾不淚滴眉顰欲語難言信難問
積漸裏懨懨瘦損即漸二字乃詞家常用者或作積漸似文義稍明未知孰是

船入荷花蓮

生死夫妻奇傳

風物依然傳荆楚汨羅事至今遺俗隨赴花衢徑登

華宇同樂醉鄉深處換頭聞得賢兄相招取慶重午

共成歡聚巧梳粧步金蓮來到畫堂深處韻不用

梅花引

與詩餘同但無換頭耳

琵琶記

傷心滿目故人疎看郊墟盡荒蕪惟有青山添得箇

墳墓慟哭無由長夜曉問泉下有人還聽得無曉字下字

俱不用韻基字。若改作平聲。問泉下三字改作平上去尤妙。墟字正是用韻處。高則誠慣於借韻。此調守之惟謹。正自可喜。而舊譜又改郊墟為郊野。是使則誠必每曲不韻而後已也。然則琵琶記之不多韻者。豈皆則誠之過哉。

雙調過曲

畫錦堂

與詩餘大同小異

卧水記

夏日炎炎執手話別空餘枕邊清幽鏤石流金酷暑惱人時候清晝好向荷亭掛宴飲暗思昔日碧筒酒金分鴛偶今夜奴在孤幃君向草廬獨守前腔換頭欣有照眼葵榴萱草弄金閒堦細草新抽君往園中須

要小^心看守^擔憂倘有遺失^甘受打。只愁娘意難分

商^{合前}夏字、手字、鏢字、皓字、畫字、照字、萱草、草字、俱可用平聲、奴字、君字、弄金、金字、須字、俱可用

仄聲、梳篦清幽四字、細草新抽四字、俱可用去平平去

紅林擒 與詩餘不同

同前

凝眸。觀鴛鴦戲水波紋皺。雙飛鬪。他應笑我。今宵拆

散鳳侶。鸞儔母約束。怎敢遲留。看柰子休得落後。合

剛帶酒拚飲。五盞三盃。和哄離愁。此詞起句用二字。似

查其本調耳。姑記之。

錦堂月 月上海棠。全曲在後。

琵琶記

書錦

堂

簾幙風柔。庭幃畫永。朝來峭寒輕透。人在高堂。

一喜又還一憂。海上惟願取百歲椿萱。常似他三春。

花柳。合酌春酒。看取花下高歌共祝眉壽。前腔換

輓。獲配鸞儔。深慙燕爾持盃自覺嬌羞。怕難主蘋蘩。

不堪侍奉箕帚。惟願取偕老夫妻。長侍奉暮年姑舅。

合前永字堂字萱字爾字繫字妻字俱不用韻一字可用平聲他字可用仄聲暮字改作平聲乃妙

或作親在高堂。陋甚矣。香囊記學琵琶者。故亦曰高堂有人孤獨。借字不可唱作諧。

醉公子

與詩餘不同。公坊本作翁皆誤矣。

同前

回首看瞬息。烏飛兔走。喜爹媽雙全。謝天相祐。不謬。

更清淡安閒樂事如今誰更有合相慶處但酌酒高

歌共祝眉壽未後四字或作更復可求非也

僥僥令即彩旗兒又與正宮彩旗兒不同

同前

春花明彩袖春酒滿金甌但願歲歲年年人長在父

母共夫妻相勸酬在字不用韻或點板在共字妻字上而夫字無板滯矣此曲歲歲

年年用去去平平妙甚第二曲云兩山排闥則用仄平平仄不發調矣作者不可學彼句法

醉僥僥新增
十孝記

子醉公衰老悔言語疎狂顛倒喜恩主幡然必求諸道

難效僥僥最喜是兄弟怡怡情無間主僕兩相安皆

同褒。褒音包。同字不用韻。

孝順歌

李寶奇傳

一聞道辦去程愁腸九迴百慮生和伊在雲屏和伊
在芳徑和伊共飲怎忍一時鸞鳳分影淚眼偷彈春
衫盡是啼痕前腔我今日去也今日離此行非是
我忘恩非是有別情非敢負心要赴桃源新除一任
怎別家鄉一心爲着功名和伊在雲屏句伊字可用平
聲飲字痕字思字心字任字俱借韻道字時字彈
字也字源字鄉字俱不用韻尤迴迴字平聲妙甚
若用仄聲卽不發調矣百字處切不可用上聲去
聲○此孝順歌本調也查成化年間舊板戲曲全

錦有十餘套皆如此今人知有孝南枝而不
知此本調即如知錦堂月而不知畫錦堂也

鎖南枝

琵琶記

兒夫去竟不還公婆兩人都老年自從昨日到如

不能穀得餐飯奴請糧他在懸望眼念我老公婆做

方便前腔鄉官可憐兒這是公婆命所關若是必

須將去寧可脫下衣裳就問鄉官換寧使奴身上寒

只要與公婆救殘喘字字便字見字換字喘字俱借韻去字今字糧字婆字去字

字奴字俱不用韻第三句內人都二字用平聲真
作家也細查舊本戲曲全錦皆如此始知鄉官可
憐兒以下乃換頭也自從昨日一句元該用六箇
字今人用五箇字與下句相對非也換頭中寧可

贈下衣裳一句亦然觀縱然他不埋冤丁寧祝付
爹娘你在这里開行不如早赴黃泉兩人一旦身
亡到底日久日深縱有八口人家皆六字句法可
知矣但辭官二句皆用五箇字與兒夫去二句不
一同若是句用六字亦與公婆兩人句不同此定體
也卽如孝順歌換頭處與前調不同耳于此益信
孝順歌之有換頭
與鎖南枝同矣

二犯孝順歌

新增

拜月亭

從別後渡孟津思君盡日欲見君○鳳北鸞南生生
鏡剖釵又分鎖千思萬想要見無門鎖用放不落心
上人漾不落心上人後字南字想字落字俱不用韻
乃是去聲卽拗矣大抵古人用入聲字最有
意不可輕改鳳北至無門不知何調姑闕之

孝南枝

即孝南歌

錦香亭

奇傳

孝順

歌

陽臺夢。楚岫雲。燈燃絳。蠟月滿輪。香靄洞房新。
花發武陵春。良宵可人同坐同行。日親日近。你有萬

種風流。我有十分俊。

鎖南

心上人。掌上珍。親上親。煞

和順。夢字、行字、流字俱不用韻。心上人、人字及親字若不用韻更妙。

孝順兒

新增

琵琶記

孝順

糠和米。本是

兩倚依。誰人簸揚。

做兩處飛。一

歌

與一貴。好似

奴家共夫婿。終無見期。

江兒米在他方

沒尋處。怎地

把糠救得人饑餒。好似兒夫出去。怎地

教奴供給得公婆甘肯。第一句若不用韻更妙。奴字

被字今細查正賤字改平聲字乃叶向因坊本刻作孝順歌人皆振其腔以奏之殊覺苦澀今見近

刻本改作孝順兒乃暢然矣

又一體

黃孝子

奇傳

孝順家鄉遠途路裏孤身萬山吾命危楊朱在含悲。

阮籍謾垂淚思量此際舉步難前欲行無計勉強撐

持。人入泥塗裏江兒緬想萱親何處若得相逢不在

驅馳狼狽

仙呂入雙調過曲

桂花偏南枝

散曲

桂枝

勤兒捱磨。好似飛蛾投火。你特故將啞謎包籠。

我

手裏登時猜破。鎖南江。把不定船兒舵。只恁的

搬弄情人。蜜共酥來和休道。是誰莫道是我。便做鐵

打的人。其實受不過。籠字、人字、誰字、人字、俱不用韻

妙甚。時曲你做勤兒。與此同。船兒兒字。拗改作仄聲。乃叶打字。改作平聲。乃順。

又一體 新增 鑿井記

桂枝要。把吾兒提抱。切休推調。他時結髮重逢。要你

伏低伏小。這籌兒要講。這籌兒要講。若還不肯

諫卑只是你緣不到聞古人說得好要家和須是

為小逢字人字和字卑字俱不必用韻講字用韻亦

好字可用平韻

柳搖金舊詩乃犯別調者今改正

白兔記

金梧飄墜齊統懶揮牛女會佳期丹桂飄金葉風傳

香韻奇遙望碧天如洗萬里月揚揮一似皓月澄清

團圓到底倉朝歡暮樂效學于飛效學于飛和你永

諧連理

柳搖金犯舊譜題作柳搖金今增一犯字

散曲

科場及第。別尋親在鳳城。頭上有神靈。負心的活短

命。眼睜睜無了信行。百忙裏把絲絃絕斷。撲通的井

墜銀瓶。咕叮的破菱花。冤夢驚。說與你箇俊俏多情。

休得把奴薄倖。第字。斷字。俱不用韻。

四塊金。舊譜誤作淘。今改正。

散曲

初相見時。指望能偕老。心腸變也。更沒些兒好。他藏

着笑裏刀。誤咱漆共膠。他如撒了甜桃。却尋酸棗。我

自敲爻。怎生消磨得許多煩惱。時字也。字俱不用。韻乃

妙。怎生生字。或亦用韻。則又贅矣。按北曲乃有四塊玉。南曲止有此調。並無四塊玉。時曲四時歡。

金笑一調元係普天樂不知何人
改作四塊玉所謂變古亂常者也

淘金令

新查正

牆頭馬上

奇傳

四塊金 恩情到頭我也不由已因緣契合我也不由已

離了家鄉共諧連理五馬江怎料鞋弓鞢小步細行

遲香羅暗拭珠淚垂合如今去也萬徑千岐未卜何

時到得家裏頭字合字鄉字小字也字俱不用韻時

塊金撒了甜

桃二句同

金風曲

新改正

劉盼盼

奇傳

四塊金 花衢柳陌恨他他去胡沾惹秦樓謝館恨他他去閒

遊治一江

獨立

在

簾兒下

教我

眼巴巴

只見

風透牕

紗月上茶縻架朝朝等待他朝朝等待他日日盼望

他望不見如何價用韻亦雜陌字館字俱不用韻

又一體

十孝記

金四塊

親生異生四子常相等兄情弟情同氣心常省

霜信初驚寒衣先整一江曉趨庭免使酸風次骨侵

膚勁重鋪絮幾停重鋪絮幾停密縫線幾層處處把

恩慈證勁音敬比前曲多霜信二句

五馬江兒水

新增

牧羊記

一鼓

胡城崩陷

三軍喊動

江山看

鞭敲金鑊

奏凱歌

還（怎）

不教人

心喜歡勸伊家休惱

說甚

遮欄萬死無

非一死

命有終限

千言萬語都是閒

全

不思舊日罪

犯多端

只恐臨刑悔之已晚

用韻甚雜

繞字惱字死

字

俱不用韻

限字已字

若用平聲更妙

後四句又似柳搖金不

可曉

○按四朝元前五句江頭金桂前五句二犯

江兒水前五句

淘金令後七句俱用此調則此調

極是古曲也

舊譜不收并其名而遺之今查補但

查周孝子傳奇內有此曲偶失幾句只得錄此曲

未知尚有謠謬否

○又按荆釵記投江時有一曲

亦名江兒水

與此調大同

江頭金桂

新增

琵琶記

五馬江怪得終朝顛音只道緣何愁悶深音教咱猜着兒水音你

啞謎為你沉音那籌兒沒處尋音我和共枕同衾

瞞我則甚音你自撇下爹娘息婦屢換光陰音他那里須

怨着音你沒信音桂枝笑伊家短行無情忒甚音到如今

兀自且說三分話不肯全拋一片心音謎字婦字行字

此曲用侵尋韻俱是閉口字妙甚○此調十細考乃得之顛音二字元出詩餘或作迭音或作迭音蓋音暗二字同音也至于北曲或云顛音或云迭音而顛字與跌同恐跌字語而為迭字然顛字俗師不甚能識因而謔作顛字今人言及顛音則皆知出于琵琶記言及顛音則或駭而笑矣○笑伊家短行重疊一句亦可但無情忒甚下此書生愚見等曲少一句想是高則誠因此曲乃三曲集成

得將人註

撥棹入江水新增

同前

川撥難甘罷是冤家怎撇他爲他行喫盡波查爲他
行喫盡波查也只是心安意恰江兒越被監押越使

將他繫掛行音杭

園林帶僥僥新增

同前

園林亂紛紛衷腸似麻遠迢迢音書怎達僥僥趁着
旅鴈南征煩傳語切莫信他人閒磕牙

三月海棠

陳巡檢奇傳

好契姻少年夫婦真厮稱你嬌客那更我正青春精

神果是一雙並兩好半搭兒真箇沒節病只為蒙

命辦行程肯教鴛侶兩離分稱字病字命字程字俱借韻好字不用韻

又一體坊本題日月上海棠非也

拜月亭

你自想甚年發跡窮形狀怎凡人貌相海水升量非

弊陋巷十年黃卷苦那時禹門三月桃花浪躍龍

門便把名揚管教姓字標金榜想字標字俱上聲與

然不妨也苦字龍門門字俱不用韻一躍龍門句

今人點板在龍字便與前紫殿命不同然愚意一

字當作襯字而點板在躍字門字上則與前相同

矣此句即如發牌令第七句元是二句而誤并為

一
者

攤破金子令

或無攤破二字

彩樓記

陶金

紅妝艷質

今日

多倜傥

家鄉縹緲

對景空回首

令

恨爹行下得毒

手把奴推出門外

做場出醜如今

到此不自由

○金風冷颼颼

寒蛩泣暮秋

月掛銀鈎

令

鴈過南樓

寒燈冷落

獨自守

質字絛字行字外字俱

俱去上聲俱妙末句用上平平上上平平亦可此

調前半已明但後五句竟不知何調愧不能考定

夜雨打梧桐

同前

梧桐樹一葉秋

寂寞幾時休

轉添愁

又是黃昏時候

南曲二十

十八

萬木凋零將盡

不覺

恨鎖眉頭。娘行漫將珠淚流。歎

奴家命薄

命薄

天還知否。和天也瘦。恨悠悠。悄一似

湘江水。涓涓不斷流。

愁字盡字薄字水字俱不用韻。幾字轉字俱用上聲妙甚。和天

也瘦乃用詩餘中。天還知道和天也瘦。今人或改瘦為愁。陋矣。此詞末後三句似桂枝香中間不知

更犯何調。姑俟知音者辨之。

金水令

同前

五馬江。憶昔

繁華如夢無。憶舊遊。

盡老

百年歡笑。

兒水

同效鸞儔。共伊家。諸鳳偶。

○

娘子志誠。兩意相投。

共你

雙雙厮守。盡老綢繆。天長地久。不暫休。夢字處用韻亦

司笑字誠字不必用韻偶字可用平聲娘子志誠
二句川仄仄平平仄仄尤妙○此曲後半似
陶金令又不甚協未敢明註○此曲後或將前攤
破金宇令中金風冷感下五句合唱未知是否

朝天歌

舊語作朝
元令非也

散曲

燈昏燭暗樓頭鼓正○先自解羅衫○我見香肌微露○

默默驚破膽○不由人情慘慘○不由人悶懨懨○不能勾

和他每夜歡娛○但能勾和他片時相聚○把這相思擔○

兒擔○露字娛字聚字其
不用韻懨字借韻

嬌鶯兒

與朝天歌相似恐
是一調二名耳

同前

騰騰春困梨花半掩門○人去暗消魂○是我
龐兒清減○

一似

柳色黃金嫩。情知憔悴損。自知憔悴損。好教我

羞答答。懶觀菱花。沒出豁。一聲長歎。呵得這鏡兒昏。

減字、花字、數字、俱不用韻。題中鶯兒二字、非犯黃鶯兒也。

朝元令

或作朝元歌、非也。

琵琶記

晨星在天。早起離京苑。昏星粲然。好向程途趨水宿。

風餐豈辭遙遠。要盡奔喪通典。血淚漫漫。天寒地坼。

行步難回。回首望長安。西風夕照邊。洛陽漸遠。何處

是舊家庭院。舊家庭院前腔。第二五馬江潮樂風吹

雪片。朝歌形雲四望。連行路古來難。相看淚眼血痕。

衣袖斑。〔廟元令〕請自停哀消遣。幸夫婦團圓。把妻凉。

往事空自嘆。曲澗小橋邊。梅花照眼鮮。〔合前〕前腔。第三

〔換〕念我深閨嬌眷。麻衣代錦鮮。崎嶇不慣。萬水千山。

素羅鞋不耐穿。誰與我承看。老親衰暮。年有日得重。

相見。淚珠空暗彈。何處叫哀猿。饑鳥落野田。〔合前〕前

腔。第四好向程途催趙漁翁罷釣還。聽山寺晚鐘傳。

路逐溪流轉。前村起暮煙。遙望酒旗懸。且問竹籬茅。

舍邊。舉棹更揚鞭。皆因名利牽。〔合前〕趙字、餐字、漫字、

班字、歎字、憤字、山字、看字、彈字、還字、俱借韻在字。

聚字、俱用去聲。而死字、趙字、俱用上聲。妙甚。好向。

首望請自往事好向起暮舉棹俱上去聲漸遠路
古淚眼濶小照眼念我代錦萬水寺晚俱去上聲
俱妙誰與我承看一句亦可用平平平仄下且問
竹離句如用上平平去平平去七箇字尤妙○按
此一套古本琵琶記無之恐非高則誠所作故于
考正琵琶記不敢收入然音律與荆釵記相合而
更覺和協亦非淺學所能撰也第一闕乃朝元令
本調第二換頭依舊譜註明但第三第四換頭各
比第二換頭不同必自有說今不敢妄為解也近
世有香囊記者不知其說而第二第四曲亦與前
二曲同其見遠出荆釵下矣世人
遽以香囊列于琵琶之下幸哉

風雲會四朝元

同前

五馬江
兄水

春闌催赴同

心帶綰初

對

陽關聲斷

送別

同

洲早已成間阻

香枝

漫羅襟

淚漬漫羅襟

淚漬漫羅襟

淚漬漫羅襟

淚漬漫羅襟

金

新那寶瑟塵埋銷被羞鋪寂寞瓊窗蕭條朱戶駐雲
空把流年度紫酩子裏自尋思一江妾意君情一旦
如朝露君行萬里途妾心萬般苦朝元君還念妾迢
迢遠遠也索回顧索音色斷字埋字應字情字妾字
生專以清字用在魚模韻中觀香徧滿曲及蘇
幕遮詞可見矣阻字可用平聲途字可用仄聲

柳梢青

江流記

今日試展開旂看來煞富貴正新除政事廉能黎民
總喜今日在畫堂深處賤累得蒙聖周庇合廣設華
筵暢飲高歌大拚沉醉旂字能字遊字歌字俱不
用韻除字處字俱借韻

古江兒水

舊譜作古江水
兒今從古琵琶

琵琶記

如來證明

鑒茲豈啓

我雙親

在途路

不知

如何的仰

惟菩薩大慈悲

合

龍天鑒知

龍神護持

護持他

登山

涉水

明字不用韻今人欲以膝下嬌兒
去之江兒水腔板唱之大不通矣

銷金帳

拜月亭

黃昏悄悄助冷風兒起

想今朝

思向日

一似

這般時

節這般天氣羊羔美酒

美酒

銷金帳裏

世亂人荒

遠

遠離鄉里

如今

怎生

怎生

街頭上睡

妙

節字荒字不

必用韻口字可用上聲怎生二字用上平二音妙
甚銷金帳三字即用用在曲中與琵琶記用鴈兒舞

三字同非古
人不能爲也

錦法經

散曲

身又慵。心又慵。身不放鬆。繡枕羅衾與誰共。芳
冗冗。閒情種種。又添上弄秋波兩眼。春愁重。恨鎖眉
峰。將一星星淚血都流得我臉兒紅。血字不用韻

灞陵橋

拜月亭

這苦說向誰。索性死離別。各自也着邊際。生把我

鴛分開兩下裏。一步一回頭。教我傷情意。嗟衫兒上

淚添濕。別字鴛字頭字俱不用韻。苦字可用平聲。分

又一體

卧水犯

若要我解勸時。日出在西方。落在東方去。吊桶如今。

落在他井裏。早晚中了拖刀計。非是我硬心腸。學取

傍州例。茶寧做道一不是。休做了兩家不是。曲多得一

晚中了七箇字。未一句。又分作兩句。

疊字錦

同前

兀的不是痛殺人也麼。奶婆每直恁的多奸詐。挑

唆着母親。令着我夫。沿路上推着一輛絹子車。遇草

賊。應不饒過了他。謝小叔拚命去捍他。又恐怕路途

差。祭。屈使兒夫登山渡水。湯風冒雪。喫辛苦。遭劫。
被擄。屈死在黃泉下。兀的不是苦殺人也麼。冤家。字。親。
夫字。水字。受字。雪字。擄字。俱不用韻。絹子。遇草。過。
了。謝小。去。起。又。恐。渡水。被擄。是苦。俱去上聲。恐怕。
死在俱上。
去聲。俱妙。

山東劉袞

同前

朔風起。朔風起。黑黯黯。凍雲垂。只見柳絮梨花。浙零。
零亂飛。凜凜布寒威。凍的我跌屑屑的。泥路滑難行。
心急步行遲。最苦的是冰厚三尺。沒有一箇鯉魚。只。
慮的母親。獨倚定門兒。眼巴巴的。凝望我回。他敢焦。

聒聒的惡怒起。花字、行字、親字、俱不用韻。魚字、兒字、俱借韻。

雌雄畫眉

同前

凍雲冉冉寒威凜凜。滴滴滴滴水結凍成冰。朔風起朔風起。驚毛兒飄滾。徧長空篩碎瓊。可傷路滑步難行。多方尋問我家兄。踏雪認不見一箇踪影。使我痛切切珠淚盈盈。咱萱親從早望魚。一直到今急急急。急急性惡發生嗔。河水凍。河水厚。魚兒藏隱。料想我兄沉吟悶縈。沒沒沒沒沒後。徒爾勞神。回家內回。家內遭娘惡性哥。敢你這一頓打非輕。冉字、起字、傷字、魚字、凍字。

厚字後字內字俱不用韻藻字淡字
認字今字真字隱字神字俱作韻

夜行船序

或作花心
動序非也

玩江樓記

花底黃鸝聽聲聲一似喚人遊戲東風裏玉勒雕鞍

爭馳佳時日暖風和偏稱對景尋芳拾翠遙指隱隱

杏花村深處酒旗搖曳前腔頭迤邐曲徑芳堤競

香塵不斷往來羅綺亭臺上急管繁絃聲齊雙飛蝶

遶花枝鶯囀上林魚遊春水芳菲點檢萬花中昨夜

海棠開未換頭新增和字臺上上字俱不用韻時
字借韻指字可用平韻林字可用仄聲

曉行序

舊譜在引子中今
查得當入過曲

金印記

舊譜作
江流記

繼畧焚膏受十年勤苦指望一朝榮耀寒儒輩命合

陋巷簞瓢伊曹一刻狂圖欲把萬丈龍門高跳須料

那蒼天豈肯久困英豪今刻在金印記中作夜行序

舊譜元作曉行序又在引子中今

雖查入過曲未敢併廢其名也

黑麻序

或作黑麻皆非也

琵琶怨

傳奇

習習東風賣花聲吹入小小簾櫳被流鶯喚起綠窗

幽夢煙籠萋萋芳草蒼苔觀亂紅合錦機空爲這

東君昨夜橫雨狂風前腔換堪痛蝶困鶯慵見街泥

燕子戲遶華棟看軟鞦韆索牆外低控象櫳口高花

影重鵲啼翠霧中。合前詞甚佳。○按此曲起調處與

換頭而不知其本調矣。舊譜誤作鬪蝦蟆且止錄其換頭一曲何以稱諧哉細查舊本諸曲皆用此調於夜行船序之後則不得不用其換頭耳又或題曰鬪寶蟾曰蝦蟆序蓋蟆與蟾同蝦蟆亦名曰黑蟾故傳說也寶蟾亦蝦蟆之美名因月中有蝦蟆今名為蟾且因茂園有鬪寶蟾之名而併改此雙調之名耳今只當名為黑蟾序或蝦蟇序決不可巧立名也

又一體 換頭○新增 琵琶記

看待父母心婚姻事須要早諧勸相公早畢兒女之

債休呆如何女子前胡將口亂開記○來但把不出

閨門的語言相戒呆字本音爺今用于此韻中只得

蘭余音七 應千 字五

是日絮蝦蟇今載此曲欲人易知也此詞卽黑麻
序換頭但父母心至早諧十箇字比前不同亦小
變耳不必另立一題也至於點截板在諧字下比
前點在遶字下不同者因此曲早諧早字上聲難
唱且父母心婚姻事六箇字一直趕下
來要字下點不得截板耳知音者辨之

惜奴嬌

荆釵記

家道貧窮守荆釵裙布謹身節用今爲姻眷惟恐
辱門風空空愧沒房奩來陪奉望高堂垂憐寵
氣濃悄似仙郎仙女會合仙宮前腔頭欣逢夫壻寬
洪可留心遵守四德三從勤攻詩賦休得做學飄蓬
重重重重時乖長如夢謝良謀開愚情
合前春字賦
字俱不

必用韻用字可用平韻從字可用仄韻平字去聲而寵字上聲而夢字去聲而惜字上聲俱妙○按琵琶記杏臉桃腮二曲亦是此調而少空字與重重處兩箇平聲字恐誤後人不可從也

錦衣香

同前

夫性聰才堪重婦有容德堪重天生美質奇才彩鸞
丹鳳自慚非是漢梁鴻何當富室配着貧窮妾亦非
孟光奉椿庭適事名公前世曾歡共把藍田玉種夫
和婦睦琴調瑟弄才字室字光字睦字不必用韻美
字光字俱可用仄聲適
事名公可用平平平仄

漿水令

同前

怨貧無香醪泛鍾。怨貧無美食獻供。又無湯水飲。喉
嚨粧甚喜媒。做甚親送休相笑。莫妄衝惟恐外人相
譏諷。非缺禮非缺禮。只爲窘中凡百事。凡百事望乞
包容。媒字笑字禮字事字俱不必用韻。鍾字可用仄
韻。粧甚喜媒做甚親送用平平仄仄仄仄平平
亦可。只爲窘中用
仄平平仄仄亦可。

嘉慶子

拜月亭

你一隻母子無所傍。更雨緊風寒勢恁當。心急行程
不上人。亂亂世荒荒。愁城淚汪汪。此調他處甚火
撥棹換頭作嘉慶子誤矣。又或以渭城人肌膚瘦
怯之挑紅菊爲嘉慶子亦非也。惟連環記偶來拜

月一曲與此同調然彼據九宮詞譜而作却以端
不爲麗情相牽一句對更雨緊風寒怎當怎當上
聲而相字平聲風字平聲而麗字去聲皆拗矣况
舊譜中只作怎當而舊本拜月亭記皆作勢怎當
若依舊譜則當于寒字下或一截板而今既有勢
字則當點一實板于勢字上矣一字之有無遂使
一句腔皆不同而一曲之調
亦不相協譜豈可易言哉

尹令

同前

那時又無倚仗當時有親難傷其時有家難向他東
我西地亂天荒事怎防西宗不必用韻那時當

品令

同前

逃生士民在官道驛程傷天色漸晚陰雲黯黯蒼匆

勿正往喊聲如雷響各各奔走都向樹林遮障苟免
偷生瓦解星飛子離娘晚字走字生字
娘俱不必用韻

豆葉黃

同前

你一身眼下見在誰行我隨着箇秀才棲身他是我
的家長誰為媒妁甚人主張人在那亂離時節人在
那亂離時節怎選得高門廝對相當身字妙字節
字俱不用韻

又一體

散曲

歎嗟歡娛事能幾些痛切相思病無了絕朋友每知
疼熱負心的早回障貼待捨想着你嬌模樣教我怎

生樣捨待撒想着你至誠心教我怎生樣撒每借音

雍熙樂府載暗想當年南北一套元無此曲今人單唱南曲者始有之疑是後人增入或誤其名耳不然與前一曲何絕不同也

又一體新增○舊作玉胡蝶今附于此

散曲

待學陶彭澤懶折腰待學張孟談辭朝待學載西施

范蠡逃待學張志和筆牀茶竈待學嚴子陵七里灘

垂釣待學東陵侯把名利拋在宦海茫茫一套內查

無玉蝴蝶之名止有兩蝴蝶即雙蝴蝶載十三調譜內與此不同今以其似豆葉黃第二曲姑附于

此要之豆葉黃二曲其名或亦有說未知果是豆葉黃否也

川豆葉

新增

崔護

奇傳

果然是春醒頃刻都退荷親勸涼漿多少恩意君子
之交正當焦的凉水大都一杯算將來何足掛齒是
則物輕人意美齒字借韻○此調元非川
撥棹及豆葉黃合成者

六么令

琵琶記

皇恩若念臣我也不圖祿及吾身只愁恩不到雙親
空孤負這孤墳合料天也會相憐憫料天也會相憐
憫臣字身字俱可用上聲韻負字
不必用韻料字不可用平聲

六么梧桐

陳巡檢

奇傳

六么瓜期信通爲着功名奔走西東見說出路覺心
慵不由已去匆匆梧葉兒到得南雄看取殘花再紅

六么姐兒新增犯商調

散曲

六么鴛鴦睡濃菱葉荷花香送薰風懶將紈扇掩酥
臂好姐兒試把窗兒推起只見花影重合梧葉兒好景難

逢又見榴花綻紅或作錦葉兒非也推他雷切

二犯六么令

拜月亭

你是娘生父養故逆親言心向情郎我向地獄相救
轉到天堂怎下得撇在沒人的店房若是兩分張管

取潑殘生命第一第二句乃六么令也後

福青歌

卧冰記

嘆奴丈夫推車受苦因甚的流落在途路想中間有

緣故是奶婆每挑唆着老母這苦難告訴陷孩兒出

路去入鄉失土用韻不雜可愛○此調與山呂青歌

刻青歌兒為福青歌實非此調也

窄地錦襠窄音速

琵琶記

嫦娥剪就綠雲衣折得蟾宮第一枝宮花斜插帽簷

低一舉成名天下知枝字借韻剪字可用平聲

哭岐婆

同前

玉鞭裊裊如龍驕騎黃旗影裏笙歌鼎沸如(今)端的
是(男)兒行看錦衣歸故里玉字鼎字俱可用平聲看字可用仄聲兒字借韻

雙勸酒

荆釵記

儒冠誤身一言難盡只因那人常縈方寸若得他配
合秦晉那其間燕爾新婚身字人字不用韻亦可平聲可用平聲常字可用仄聲

字字雙

琵琶記

我做媒婆甚妖嬈(說)笑說開說合口如刀波俏合婚
問卜若都好有鈔只怕假做庚帖被人告喫考有字

舊字俱可
用平聲、

三棒鼓

拜月亭

鞭行色望、**南京**喜得兩國通和也。無戰爭邊疆罷
征、邊烽罷警、不暫停。令如今海晏河清也、重逢太平。
重樂太平。和字、若用韻尤妙、觀下清字、可見兩箇邊
字、可用平平去
上四字、亦可、

破金歌

同前

青袍巾上野花兒、**白布衫**肩綿套壓。山間路中若
遇咱客商家買路、**金珠**多留下。中間恐
有訛字、

柳絮飛

同前

一、千人盡誅戮。誅戮走了陀。滿興福興福。徧張文。行諸處。多用心。根捉囚徒。合鄰右與寓主。停藏酌罪。同誅。

普賢歌

荆釵記

書中語句有差訛。致使娘兒話絮多。真偽怎定奪。是非沒奈何。尺水翻成一丈波。奪依中州韻。唱作多語。致使偽怎俱去上聲。俱妙波字可用仄韻。

鴈兒舞

琵琶記

院重重怨不怨苦要尋箇男兒又無門路甚年能
 勾和一丈夫一處裏雙雙鴈兒舞怨苦處裏俱去上
 名鴈兒舞即用此三字在曲中
 古人多用此體今人不能知也

打球場今人唱此曲作引子謬甚矣

同前

幾年價爲拐兒是人都理會得我名兒遮莫你是怎
 生通峭的也落在我圈積積音諱紐也用文思齊微韻不足法也幾年價遮莫
 通峭北曲中常用之或改價爲間或又改爲假或
 改第二句爲脫空說疏爲最或改遮莫爲者末或
 改爲者麼或改爲折末或改爲折莫或改爲者莫
 或改通峭爲備俏皆非也所謂痴人前不可說夢
 正是
 此類

倒拖船

王煥奇傳

一、街兩巷誰憐念誰憐念官人娘子可憐見可憐見

捨貧布施行方便新裙襖幾曾穿告英賢結良緣小

乞兒叫化幾文錢念字借韻

風入松舊譜又收風入松犯即此曲全套也

琵琶記

不須提起蔡伯喈說着他每恨友他中狀元做官六

七載撇父母拋妻不采只兀的這磚頭土堆是他雙

親的在此中埋前腔一從他別後遇荒災更無人倚

賴虧他息婦相看待把衣服和釵梳都解越地裏把

糟糠自捱公婆的倒疑猜。○他公親看見雙雙死無

錢送剪頭髮賣棺材。○他去空山裏把裙包土血

流指。感得神明助與他築墳臺前腔他如今直往帝

都來彈着琵琶。做乞丐叫他不應竟何在空教我珠

淚盈腮。這○不孝逆天罪大空設醮枉修齋。○你如

今便回說張老的道與蔡伯喈。○道你拜別人爹娘

好美哉。親爹娘死不值你一拜前腔。他元來也只是

無奈。慙地好似鬼使神差這是○不從把他廝惡害

○不孝亦非其罪。只是爹娘的福薄運乖人生懷都

是

命安排

恨字，恨字，平聲。此字從古本，或作這一帶。

反疑猜，今從古本，或作也。往，或作徑往，皆非也。如今下，或增疾忙二字，或作疾忙去，到京臺，或作拜別人做爹娘，皆非也。細查舊譜，凡風入松，或一曲，或二曲，其後必帶二段。今人謂之急三鏟，未知是否。未敢遽題其名也。末後一曲，則止用風入松，更不帶此二段。不知何故作此曲者，如事情多，不妨再增幾曲，但每一曲，或二曲，風入松後必帶二段。末後須止用風入松本調耳。此曲不可不知也。

風送嬌音

新增○或作風送嬌聲非也

還覓記

風入

鰕生學

淺自無能

今日裏共

諸秦晉

烏鴉怎與

鸞鳳並

惜奴

這洪恩難酬

盡論此親想

前生曾把

綵

繩結定

用韻亦雜繩字可用

好姐姐

琵琶記

念奴血流滿指奈獨自要墳成無計深感老天體中

相護持冷墳成矣葬了二親尋夫婿改換衣粧往帝

畿念字仄聲老字仄聲暗字仄聲俱妙感字可用平

聲持字可用仄聲此調葬了二親四字用法上去

平妙甚妙甚使後人作此則用

花堆錦砌四字索然不成調矣

姐姐帶僥僥新增

好姐姐厭聽長更短更捱盡了銅壺寂靜心慵意懶方

好夢成僥僥可惜一刻春宵千金價自恨我無緣

一羽輕僥字不用韻

金娥神曲

或無曲字

唐伯亨

舊傳奇

黯天昏欲暮呵（繼）手勒馬長途回思舊日馬上不

記扶誰識在旅邸有許多辛苦暮字苦字俱可用乎聲途字扶字多字俱

可用人聲

桃紅菊

又名鶯踏花

劉文龍

傳奇

往長安（三）千里

路餘免不得登山渡水望神京杳如

天際唱名了（一）即時寄書

又一體

此曲用人聲韻

散曲

渭城人肌膚瘦怯楚天秋難禁（禁）病疊停勒了畫眉

郎

京尹停勒了畫眉郎京尹補填了河陽令滿缺。

一機錦

卧米記

雲雨歇。鸞鳳分別來愁斷竟。教我暗擲金錢卜遠人。

吉和凶尚未聞。眼巴巴絕了信音。空教我數歸鴻。不

見書來也。我便撲撲簸簸淚暗傾。歇字也字不用韻其餘韻用得甚雜

可厭但存此調耳

錦上花

同前

同鴛枕。共鸞衾。生隔斷兩離分。把恩情如鹽落井。你

奶娘奸猾。撥闌我萱親。他特故地使着綿裏針。割捨

把孩兒在險路上行。投入蒼山。西出陽關。眼睜睜。了故人。猜字、山字、關字、俱不用韻。其餘韻用得甚雜。

又一體

新增

千金記

前隊兩邊分。前隊兩邊分。中隊盤桓。後隊催征。把都兒。每把都兒。每勢擺箇常山陣。

步步嬌

舊譜增一近字非也

唐伯亨

舊傳奇

爲

半紙功名

把

青春悞。好景成孤負。携琴往帝都。只

見

幾朵江梅。半折微露。不見老林逋。惟有清香吐。梅字

不必用韻。通字、亦可不用韻。半紙見老俱去上聲。往帝上去聲。俱妙。半紙功名四字用仄仄平平妙。

甚妙甚。凡古曲皆然。觀琵琶之黃葉飄飄。渡水登
山。荆釵之往事。今朝可見。蓋黃字處平仄可通用
也。若用平平仄仄。卽落調矣。卽如懶畫眉起句。當
用仄仄平平。而後人多用平平仄仄。江兒水第四
句。當用仄仄平平起。而後人亦用平平仄仄。玉交
枝第五句。當用平平仄仄平平。而後人多用平
平仄仄。仄仄平平。或用仄仄平平。此等之類
甚多。須是作者自留神詳察。不能一一而舉之也。
半折二字。亦用仄聲爲妙。觀琵琶用筚篥云云。住
在云云。荆釵用且自云云。可見矣。後人用仄平平
仄。亦非也。

忒忒令

琵琶記

我
哭哀哀推辭了萬千。他
鬧炒炒抵死來相勸。將我
罪不由人分辯。他道我戀新婚。逆親言貪妻愛。不

肯去赴選。婚字言字愛字俱不用韻

沉醉東風

同前

你爹行見得好偏只一子不留在身畔他_只道我不

賢要將你迷戀這其間怎不悲怨合為爹淚連為娘

淚連何曾為着夫妻上意牽昨字借韻要將你迷戀

夫妻上意牽或作夫妻意上掛牽非也

沉醉海棠

新增

崔護

舊傳

沉醉謝得我娘行賜水心兒裏萬千歡喜海上相如

病想已都除意不誠望君休罪真奇美便做玉液瓊

漿也只如是。

又一體 新增

十孝記

沉醉看將雛人稱鳳毛始信道先占鵲噪得雲雨便

騰蛟望長安西笑那其間效忠移孝海上雲程渺楚

樹秦川夢遶冤勞

又一體 新增

鑿井記

沉醉荷天地神明見憐使母子一家歡海上願封

侯見父盡皆不爽神言敢祈求祖代先靈使幼子隨

爹回轉家積善仗祖宗餘陰感動蒼天靈字不

園林好

琵琶記

我孩兒不須掛牽。爹只望孩兒貴顯。若得你名登高選。須早把信音傳。須早把信音傳。顯字可用平聲選字不可唱作去聲

園林沉醉

新唱

風教編

園林好。辭膝下。匆匆戒車望洛下。悠悠載驅爭奈高堂好。日暮沉醉思將母奉潘輿。又恐干戈多故斷腸處。夕陽烟樹休得盡。日倚闌。把兩眸望枯休怨着形單影孤。

江兒水

琵琶記

妾的衷腸事。有萬千。說來又恐添繁糾。六十日夫妻

恩情斷。八十歲父母教誰看官教我如何不怨。要

解愁煩。須是寄箇音書回轉。用韻亦雜的字不可作

父字要字、寄字、俱可用平聲、數字、可用仄聲、餘說在步步嬌下、

江兒撥棹 新增

鑒井記

江兒遊子衣先破。慈親線怎穿。訪尋吾母乘君便。菽

水糟糠奴當勉。藁砧遠出伊休怨。做女子難遮羞面。

棹撥儘饑寒守自然。窮通莫問天。遊字、吾字、俱可

字、葉字、女字、俱可用平聲、

五供養

拜月亭

定睛半晌聽得人言喧鬧驚慌遙觀巡捕卒都是棒
和鎗東西看了更無處將身遮障見一所村莊舍矮
圓牆暫時權向此中藏定字胸字聽字了字可用平
此曲乃五供養本調歷查舊曲如殺狗白兔入義
等記又如陳大聲青山頓老皆是此體自琵琶記
用不灑別離間及偷把淚珠彈每句多兩箇襯字
人遂以貴在字唱之而未句又用八箇字此乃犯
月上海棠者後人不知遂認此體爲五供養本調
而以七字者爲變體且戲文中唱此調末後七字
句皆點掣板于第五句上而清唱青山頓老者必
欲廢利字一掣板却畫截板于面字下以求合于
寸腸割斷之體以此自唱徒爲識者所嗤以此教
人所謂誤天下蒼生者也故今日吳人之清唱吾

願掩耳而避之耳

五供養犯

新增

琵琶記

公公可憐俺的爹娘望你周全此身還貴顯自當效

銜環有孩兒也枉然你爹娘教別人看管此際情何

限偷把淚珠彈合月上骨肉分離寸腸割斷用韻甚

此際兩箇此字別字骨字俱可用平聲憐字然字
可用仄聲自當二字若用平上聲更妙此曲此際
二字俱用仄聲方是五供養本調若如前一曲丈
夫非無淚夫字平聲唱不順矣因琵琶記用夫字
平聲後人遂用平平平仄以句法如浣紗之忠良
應阻隔明珠之便教肢體碎皆然殊誤後學竟不
思琵琶止借用一夫字而非無二字俱用平聲未
肯全拗矣是以作詞者不可不較否則無用謂為

矣卽如江兒水二曲六十日夫妻恩情斷一句最得體而人皆不學至于眼巴巴望得關山遠一句及落調敗筆而後人競學之故識曲聽其真人所難也

五枝供新增

鑿井記

五供尋思展轉行後家中缺少盤纏權將銀印典兒

養頭自寄青錢王交只怕神明譴訶莫浪言我婦姑績紡

堪供膳五供今日牛衣泣莫埋冤待看龍節任兵權

轉字可用平韻行字權將權字兒字今字俱可用仄聲婦字可用平聲

二犯五供養新增

周孝子傳

五供兒今大魁懊恨伊爹流落天涯只愁娘做他人

養

婦參做死屍骸王交誰想守節妻教兒成人才背生

兒尋父臨邊界五供提起當年事淚盈腮海棠骨肉

相逢喜却成哀涯音理婦字事字不用韻魁字借韻

與月上海棠合調益信貧窮此記與琵琶記皆古曲觀此五供養

老漢末句亦犯月上海棠矣

玉交枝

琵琶記

別離休歎我心中非不痛酸非爹苦要輕折散也只

是圖你榮顯蟾宮桂枝須早攀北堂萱草時光短合

又不知何日再圓又不知何日再圓用韻亦難桂枝

平仄妙甚若用仄仄仄平或平仄仄仄便無調矣此調亦有說已註步步嬌下又不知不字人聲可

作平聲唱或卽用平聲亦妙若改作未字卽拗矣
鮮如江頭金柱第二曲內字亡不審不字亦然今
人改作未審文理未嘗不通
但音律欠調不可人弦索耳

玉抱肚

或作胞非也

同前

千般生受教奴家如何措手終不然把他骸骨沒棺

榔送在荒墳

人

相看到此

不由

淚珠流不是冤家不

聚頭

調元只有此一體因此曲第五句用不由人三

箇襯字而後人不能解不由人句法于人字下增

一不字遂謂玉抱肚另有一體當用七句如四節

記增明朝管取四字時曲增中心怏怏四字皆不

由人下增一不字誤之也况古曲中凡言不由人

並無又增一不字者不知何時增此不字也夫所

謂不由人淚珠流者猶云由不得我要流下淚來

也若言不由人不則既不淚珠流也何以見其苦耶高東嘉必不如是之不通也又按六么令五供養玉交枝玉抱肚凡第一句俱用四箇字但六么令五供養首句第三字必用仄聲玉交枝玉抱肚首句第三字必用平聲耳

玉肚交 新增

白兔記

玉抱肚 伊休執見枉傷悲徒然淚漣急急寫下休書

日與你盤纏玉交 遲延少時喫大拳披麻惹火燒身

怨莫等着江心補船莫等着江心補船此調與千金記何中豪氣

相同今人不
知此體也

玉山供 供或作
顏非也

琵琶記

肚玉抱公公尊賜念天寒特來問吾我雙親受三載饑

寒我怎不禁一口妻楚五供心中想慕漫有這香膠

難度合感此恩情厚酒難辭念取踏雪也來沽寒字

不用韻賜字辭字借韻取字用平聲乃叶○此調

木玉抱應立供養合成故名玉山供自香囊記妄

刻作玉山真使後人不惟不知玉山供之來歷且

不知五供養末後一句只常用七箇字凡見五供

養後有用一字句者以爲犯玉山供矣今則并

囊記者又將中間四箇字的一句只點兩板竟併

五供養舊辭而失之猶

可恨可慨也急改之

同前

玉交枝頭孩兒相悞爲功名悞了父母都是孩兒不得歸

鄉故。你怎便歸到黃土。馮過乾坤豈容不孝子。名虧

行缺不如死。只愁我死缺祭祀。玉交對真容。形衰貌

枯想靈寃悲憶痛苦。子字、死字、祀字、俱借韻誤了二字、母字、不得的、不字、便字、土字

苦字、俱可用平聲、祭字、改作平聲、乃順、

川撥棹

新增換頭

同前

歸休晚。莫教人凝望眼。但有日回到家園。但有日回

到家園。怕回來雙親老年。合怎教人放心。放寬不由人

珠淚彈。前腔。換頭我的埋冤。怎盡言。我的的一身難上難。

你寧可將我來埋冤。你寧可將我來埋冤。莫將我爹

娘冷看。

合前用韻亦雜。今人或認此換頭為嘉慶子謬矣。爹娘冷看妙甚。從古李也。

紫婆婆

王煥

奇傳

名園裏鎮日賞芳菲。陌上遊人來似蟻。小亭臺上翫

賞好得意。時逢箇嬌臉兒。花紅柳綠草萋萋。賞徧花

叢得意美。酒闌人散醉扶歸。好花恨不折幾枝。臉音欽上

字不用韻兒
字枝字用韻

元卜算

新增

劉文龍

奇傳

文龍拜別登岐。爹媽休得過慮。孝順公婆老。成名天

下知焉敢頓忘伊。

用韻亦雜。老字借韻伊字可用仄聲。

十二嬌

新增

王魁

舊傳奇

伊家^(佳)的嬌面。悄如閨苑神仙。終不漾了^(甜)桃去。^(尋)

酸棗再喫^(添)。合同往聖祠前。雙雙告神天。^(面字可用平韻仙字)

可用仄韻去字用韻亦可
棗字不用韻添字借韻

玉劖子

新增

寶劍記

躲離了豹尾鷓班。拜辭了鳳樓鑾殿。跳出了虎窟龍

潭。遙指白雲巔。揚鞭跨寒回首方知退晚。^(用韻甚雅)

流拍

新增

同前

拋愛處綠水青山。竹籬草舍茅^(巷)看瓜棗。養桑蠶^(蠶)汲

用韻甚雜

新增

散曲

一、蓮花藕上開。怕等閒睡損。

溜秋波倚玉臺忙繫着

問
甚日歸來
此係北

曲水仙子、今人稍減一二字、以南調唱之、強立名色耳、

雙調尾聲總論

或二或四第一起賺。或一
調第二以後換頭。或二
穿地錦。或二

二尾聲云平平仄平可仄平平仄平可仄

平平平仄仄平平仄仄平平

若用黑螭序。

同前或二或四賺前

賽紅娘兩胡蝶鶯踏花好

姐姐元卜算。

各一曲

尾聲。

同前

若用黑螭序。

同前或二或四

錦衣香

一曲

漿水令。

一曲

尾聲。

同前

若用花心動序。

第一起調第二換頭

黑螭序。

二曲俱用換頭

錦衣香漿

水令。

二曲尾聲

同前

若用孝順歌。

或二或四

鎖南枝。

或二或四

胡女怨。

或二或四

尾聲。有

無隨意。

若用步步嬌。沉醉東風金娥神月上海棠五供養玉

抱肚。水紅花。僥僥令。各一曲。尾聲云。平平仄。可仄平。

平仄。仄平。仄平。平平。可仄。仄平。平平。仄平。平。

若用惜奴嬌。第一起調第二以後換頭。錦衣香。漿水令。或各一曲。

用漿水。尾聲。同令。二曲。

若用畫錦堂。第一起調第二換頭。紅林擒。二曲。醉公子。二曲。不用尾

聲。如欲用之。則琵琶記錦堂月一套尾聲可學也。

南曲譜卷二十

南曲譜卷二十一

雙調慢詞

古歛程明善纂輯

紅林擒慢

草堂集作
紅林擒近

周美成作

風雪驚初霽。水鄉增暮寒。樹杪墮毛羽。
簷牙掛琅玕。繞喜堆門積巷。可惜迤邐銷殘。
漸看低竹翩翩。翻清池漲微瀾。換頭步履晴正好。宴席晚方歡。梅花耐冷。亭
亭來入冰盤。對山前橫素。愁雲變色。放盃同覓高處
看。
弄字。巷字。好字。冷字。素字。色字。俱不必用韻。

泛蘭舟

查無此曲。止得百二十家戲曲。全錦內
有一引子。名曰蘭舟近。而舊譜元無蘭

舟近疑卽泛蘭舟也故錄之

玉魁舊傳奇

鎮日花前酒畔狂蕩煞迷戀春闈赴選音傳恩愛惹離怨天付因緣一對少年爭忍輕散心事待訴君言畔字散字俱借韻

雙調近詞

兩蝴蝶又名雙蝴蝶

劉文龍傳奇

爹爹贈與你金共珠媽媽與你布袴兒急急往長安去做官時阿娘也慚愧願得狀元郎及第歸解元莫忘奴表記時用韻甚佳

賽紅娘

同前

我兒離家去求顯跡。爹爹贈與你盤纏費。**金**共珠去。
時休得戀歌妓忘故里。文龍焉敢戀歌妓忘故里。
用韻

武陵春

春或作花
未知孰是

金印記

萬里奔波堪嘆客。身南又北。想鴈飛不到處。人被利
名牽鎖。
指望
一朝平步上雲衢。
受
十年勤苦親燈火。

記得函關去事多磨。時運不至。
不索
奈他何。囊篋蕭

索不得志還鄉里。爭奈傍人恥笑多。恥笑多。
道
儒生

餓死填溝壑。妻不下機。嫂不爲炊。恁般樣做作兀的

不氣殺人也麼哥兀的不惱殺人也麼哥將誰倚托

只得浪蕩遶天涯怎忍回頭望故國前腔大同小異涉水

登山萬苦千辛歷盡過想那魏邦何處又被雲霧阻

隔關河要與六國掃干戈與那六國掃干戈又安社

稷如山岳志氣雖如此奈事差訛未知此去竟如何

若得名登臺閣衣錦還鄉將我羞洗却此去還如昔

日呵昔日呵便死向他鄉我也不念家漫嗟呀行藏

禍福總由他且奔前途去怕夕陽西下景物蕭索旅

邸淒涼情緒惡尾聲窮道汪汪珠淚落此情天地敢

知麼。何苦把男兒久困着。索音色處字去字機字步字俱不用韻北字衙字間字涯字國字家字呀字俱借韻雖或作須非也敢或作怎非也着字在此韻中當如濁字唱不可作潮不索或作只索非也此曲用韻甚雅但取其詞之古且備此調耳

南曲譜卷二十一

南曲譜卷二十二

古歛程明善纂輯

凡不知宮調及犯各調者皆附于此

引子

宴蟠桃

新增

還冤記

白玉綠盃黃封御酒年年來會蟠桃

此曲三句無韻疑有誤不可為據

三疊引

新增

寶劍記

池塘爭放蓮堪折柳外鶯聲啼徹試看海棠花應見

綠添紅謝

花字不

入

甲馬引

新增

同前

有酒且圖今日醉。不管他年興廢。富貴榮華。生前修積。不及時歡樂。是呆痴。華字不必用韻。呆音爺。不可作崖。

牧犢歌

新增

同前

年來運拙苦無依。講命爲生撇了妻。一任傷人講是非。得便宜處且便宜。

帝臺春

新增

同前

丹心耿烈。平日未曾屈節。苦遭逢多妖孽。淹滯人中。豪傑壯志空懷。臣子恨惟酌酒高歌。彈鋏看桃李爭。

妍風裏隨開隨謝恨字妍字俱不必用韻缺音結

西河柳新增 同前

踏芳徑遊女香肩並廟貌巍我道門清淨我字不必用與貌音莫

接雲鶴 同前

風塵煙雨兩三程嬌柔不耐脚兒疼

顆顆珠新增 同前

海內亂紛紛天恩一布招撫不臣民布字不必用韻

過曲

燒夜香 琵琶記

樓臺倒影入池塘。綠樹陰濃。正長一架茶蘼滿院香。滿院香。和你飲霞觴。傍晚捲起簾兒。明月正上。字下或無日字亦通。

犯胡兵

或作征胡兵

同前

囊無半點。挑藥費良醫。怎求縱然救得目前。這飯食何處有料。應難到後。漫說道有病遇良醫。饑荒怎救。求字可用仄韻。何處有的有字可用平韻。漫字亦可用平聲。半點處有道有俱去上聲。有病怎救俱去聲。俱妙甚。

三仙橋

同前

一從他每死後要相逢不能殺除非夢裏暫時略聚
首若要描描不就(暗)想像教我未寫先淚流寫不
出他苦(心)頭描不出他饑證候一畫不出他望孩
兒的睜睜兩眸只畫得他髮颼颼和那衣(衫)弊垢若
畫做好容顏須不是趙五娘的姑舅從字相逢二字
二字可用平聲第一句若是第二第三句則當
點板在他字後字上而後字下仍點一截板

風帖兒

同前

到得陳留逢一箇故老在他爹娘墳上拜掃果然饑
荒都死了他媳婦也來到枉教人走這遭

柳穿魚

坊本琵琶記
或無此曲

同前

心忙似箭走如飛歷盡艱辛有誰知夜靜水寒魚不
食滿船空載入月明歸歸來後到庭除未知相公在何
處

四換頭

荆釵記

賊潑賤好開黃數黑論黃說其的娘言語怎違逆這
的順親顏情却是你順親顏情人之大體竟不相投
教奴怎隨富豪貪戀貧窮見棄須惹得傍人講是非
呆蠢小丫頭出語污人耳敢恁地推三阻四話不實

機、這豪家求汝效于飛、他有甚相虧的、**敢恁**回言抵抗、
沒尊卑、所犯四調、但知前四句、似一封書、其餘未敢妄計、

忘麻郎

忘字、恁誤也、

同前

我告你局騙、**俺**財禮我告你威逼、他投水、**恁**慢我、白
羅怕見喜、**閃**得他黃泉路、做鬼息怒、威寧耐取休想
我輕輕放着你

貨郎兒

疑與前曲同一調、或傳刻誤耳、

牧羊記

這廝每輒、**敢**膽大軍情事、把來當要逃遁的、依律問
罪、躲懶的、如法弔打、莫弔打、莫弔打、弔打時、只得去

躲你去躲你去躲去躲時割了你的耳朵

十棒鼓

白兔記

奴奴生得如花貌言語又通峭丈夫叫做念一郎奴
奴喚做三七嫂方纔房中補衣補襖忽聽老公叫慌
忙便來到郎字中不用韻

小引 此亦巧立名色也還須查正

同前

廟官來廟官來打點香爐蠟燭臺但辦至誠心何愁
神不靈但辦至誠意何愁神不至至至至

望粧臺

疑亦傳刻之誤未必確也

同前

爹爹做事不思維。他是吾家牧馬的。緣何把我與他
兩箇做夫妻。爹聽啓兒拜啓。山鷄怎與鳳凰棲。

攪羣羊

疑是金梧桐
帶山豸羊

同前

姑姑你試聽。

日夜裡

成孤另。

尋箇良媒。

嫁箇多聰俊。

虛度青春。白髮來。

侵。

如何如何。

不改嫁人。

用韻太雜

七賢過關

不知用何七調

敘狗記

三人共賞雪。

喫得醺醺醉。

撒我哥哥。

跌倒在

深雪裏。

他兩箇撒了你。

自先回。

却不道

賽過關張有義氣。

冷

清清凍死你。

做街頭鬼。

又還是

孫榮背負你歸。

孫貞

外。你臨危不見了。賽關張。方信道打虎還須親兄弟。
雪字、哥字、外字、俱不用韻。此詞極似金絡索、但未句不相似耳。

又一體

新合鏡記

雲收翠羽深。雪霽水輪轉。影落空閨。冷逼香肌顫。○
北風又峭。光陰易遷。○倏覺早梅。早梅浮香片。○你
看瓊梢弄影。月澹尚依然。○我枉教目斷王孫想故園。
○漫把繡囊偷覷。寶鏡難圓。○只落孤館蕭蕭人未
眠。倏、音叔、深字、閨字、峭字、顫字、俱不用韻。

又一體

雍熙樂府

春風花草香。遲日江山麗。萬紫千紅。總是傷情處。
慼爲伊。愁懷爲伊。只聽得管聲。管聲喧天地。縱有笙
歌。不入愁人耳。見鶯花憔悴。杜鵑語聲悲。梅子心
酸。柳皺眉。一春魚鴈無消息。我似得雨打梨花。珠淚垂空。
房獨守。此情爲誰。冷落閒庭院。暮雨瀟瀟。郎未歸。
紅字歌字守字院字俱不
用韻處字耳字俱借韻

多嬌面

再查

殺狗記

見官人忠孝。思量後口頭忒緊。不合出言傷觸了。
大人如。悔之不盡。
心字
借韻

二犯朝天子

金印記

萬里長空收暮煙。海島冰輪駕碾。碧天故人千里共。

嬋娟阻關山。雖然皓月團圓。人却未圓。嫦娥在月裏。

孤眠。受淒涼萬千。受淒涼萬千。山笑借韻。按南曲未聞有朝天子。唯北

曲有之。此曲不知何所本也。此曲末後五句似紅衫兒。但前五句不知何者是本調。何者是犯別調耳。今人作此調皆無。雖然皓月二句恐是誤也。不若此曲為全。

又一體

此調不如前一曲之完全

玉合記

日暮江城未可邀。笑倚東窗下。眼色嬌。就中間處。暗相招。繫心苗。誰禁曉夜。覓搖逐。驚花亂飄。逐驚花亂。

飄。未字用平聲乃叶

水唐歌

疑亦訛傳也唐字尤無謂

①沉吟久細思之孝義雙全人②怎比倒不如李德追恩
主尋思起我去替兄身死受凌遲也落得好名兒留
着在史書上題。久字不用韻之字主字兒字借韻

川鮑老

教子記

平生莫作虧心事世上應無切齒人君無子孫休把
陰陽損人夫婦③怎教兩分夫妻厮守誰無百夜恩須
思忖畢竟是人心相似休折害兒孫。事字不用韻夫妻厮守九箇字

用仄仄平平平
上平平去亦可

清商七犯似屬商調

黃孝子

兒生寒逢患難甫三齡把姻事攀慕忽地四海干戈
不堤防一旦離亂心酸尊姑被擄遭逼趕五歲兒既
長悲潛居室捨作僧堂尋覓慈顏不見母誓不回還
爲父逼要我改調更絃奴心愧赧論貞女有二天顏
汗金淚斑斑甘願與魚龍作餐戈字堂字俱不用韻
亂字酸字絃字俱借韻

鶴神天

八義記

瞥然見見他容儀心喜歡年紀共身材與孩兒無兩

般。昨宵在街市上醺醺醉。因觀見留取在家中。未知
何姓氏。家居那州縣。川韻雜此曲。今人改用玉抱肚矣。

鵝鴨滿渡船

同前

駙馬和公主。兩情如魚水。一家多忠直。正完美。怎料
奸雄生嫉妬。合當時打開鸞鳳侶。幸然今日得再會。
花再發。琴再理月再輝。

又一體

散曲

釣魚舟隨浪滾。只見傍水人家戶半扃。時間天漸暝。
時間天漸暝。只見邊城戍鼓暮猿啼。教人越添愁悶。

蘆葦岸、蓼花汀、能解閒行有幾人。正是浪、鷗眠未穩、

只見

水雲深處、澄波數點、兀的不是野岸漁燈。溪字、

人字、穩字、俱借韻、舟字、啼字、岸字、處字、點字、俱不用韻、

赤馬兒

疑亦誤

同前

數剪孤檠、幽欄獨凭、聽得幾聲離羣鴈。呀呀飛過沙汀、山寺送來幾聲金磬。人煙寂靜、那時許多清冷、那時許多清冷、**前腔**稍有不同携琴再整、流水冷冷、高山絕頂、箇中名利羽毛輕、箇中名利羽毛輕、智者何勞絃上聲、那時許多清冷、那時許多清冷、數音期鴈字、不用韻、

撈芝麻

仙呂曲有此調此又不同疑亦誤

同前

凡見

黃花滿徑開池館紅衣褪露濕巾霜凝鬢漏滴

銅壺緊天風吹起四野悠揚韻若得那人同歡慶此時便是良緣分

一秤金

牧羊記

鷄鳴初起入厨調理兒夫

曾

付托蘋繁侍奉萱堂甘

旨勸娘親放懷略略嘗滋味這粥湯尤更美香甜軟

白似雪飄匙起○加餐飯是便宜勸娘親休得怨別

離願夫君及早便回歸歎光陰如逝水親骨肉在天

涯倚徧門閭信音稀草連天把王孫路迷塵土生羅

綺裙帶寬肢體愁見園林燕子歸羞覩鳬雛傷母頻

棲歎人生是怎的傷懷抱淚珠垂聽落休得吁氣算

悲歡離合古今如斯傷悲歎孤身老矣風中燭難存

濟膝下無人戲斑衣孤幃裏冷淒淒雲雨情慳兩東

西把金錢脂卜無歸意惜分飛怕見燕鶯期不如歸

去愁聽子規啼要相逢知幾時邊事未期揚鞭仗節

何時跨馬回鄉里倚危樓凝望雲山萬疊人千里這

相思甚時已尾聲願行人重相會似長江深似鐵愁

兒永遠團圓直到底音字斯字時字兒字俱借韻繫
韻涯音夷○按此調必是十六調合成者故名
秤金也但前五句分明是桂枝香以後俱未知何
調今人皆訛以傳訛唱之
點板亦皆不同難信也

撼動山

雙忠記

自家名號活閻羅○世人都怕我橫行天地間唐天子
奈何衆人每喫幾碗打辣蘇○齊動手去呵逢一
箇地麼殺一箇蘇字借韻問字不用韻

中都悄

八義記

忒無禮忒無禮○臣在庭幃逐犬來急沒處躲避靈

輒在此等候多時。不知相公因何如是。時字此字是字俱借韻公
字不用韻此調甚似劉琮
今仍存其名未敢輒改也

駿甲馬

同前

老婦看生幾年價。每出入王侯府下。只恐人間男女
不婚又不嫁。那時必然餓殺我。我字借韻

滿院榴花

散曲

別離幾番恨。青天好事傷殘。傷心夜夜空長嘆。頻將
我這淚眼。甚日曾乾一會價盼他時。如盼南來鴈。乍
離別幾曾道。是經慣。恰似竹林寺埋沒着箇楚山

把一箇豫章城生扭做陽關。我這裏空長歎。猛可裏
想起他的語言。不能勾共枕同眠。落得傳書寄東。
一天字、言字、眠
字、似借韻、

紅葉兒

散曲

淚滴濕殘粧面。和風吹柳綿。靜悄悄獨宿在閒庭院。
怕春寒門半掩。金釵兒劃損在綠苔前。今朝去甚時
旋。何年月日得見俺。這情人面空教奴倚危樓跌脚
埋怨天。天月圓人未圓。掩字、
借韻、

小措大

疑是
仙呂

散曲

潮拍岸。斷江風掃蘆花。鷗鷺破煙飛落汀沙。見漁
 舍兩三家。在夕陽下一簇晚景堪畫。悶無語時將珠
 淚灑。愁轉加瘦損丰標。只為他事繁心。鬢添白髮。蹉
 跎負却年華。

桃花紅

新增疑有訛字

還冤記

雙親聽啓那書生。是薄倖的。相看半載語話沒一句。
 幾次陪言全然不理。他說自有真真王氏妻。因此上
 把奴拋棄。句字借韻言字不必用韻

步金蓮

同前

幸你相陪伴。感德真非淺。每常間累你埋冤。是妾身刻銘肺腑。金蓮多應是時乖命蹇。便做道鐵心腸。也須教我淚漣漣。伴字肝字借韻是字不必用韻後半嬌不知當人何調姑附于此。

疎影

此調未知確否再查正。

同前

惟思馬援習遺經。戒子勤讀。題柱相如當路過。一朝顯達登雲路。衣錦還鄉大丈夫。合是吾都只爲文章把妻擔。恨前腔。蘇秦懸頭刺股。後來時相居六國。閑戶袁安攻書賦。他每都志遂還鄉故。徧我淹留在

帝都合前接音院刺音七接字奉字
不必用韻過字國字借韻

六犯清音

散曲

梁州瑣窗人靜。未央天遠。一似嫦娥無伴。玉容清減。

教人蹉過芳年。花枝何處流紅葉。無心整翠鈿。舞

春將老。恨轉添。梨花院落冷秋千。八聲志如雙雙燕。

子梁間語。意如兩兩鴛鴦沙上眠。皂羅長門望月深。

巷鎖烟琵琶。寫不盡思君怨。黃鶯病恹恹。因緣未了。

何日試溫泉。靜字減字葉字老字語字月字了字俱

未字恨字子字望字巷字俱當換平聲字問字當換去聲字乃順此一曲大抵不足法也但在此調

耳然桂枝香臨了二句却用在前面殊覺與上
不相接此調真可刪也按八聲甘州二句舊作
粧臺然傷粧臺元無此二句唯二犯傷粧臺有此
二句乃正是八聲甘州也余既于二犯傷粧臺內
正之矣今又改正于此噫
安得人人提耳而示之哉

七犯玲瓏

犯商調仙呂○新增

祝希哲作

本朝人

香羅

新紅上海棠猛然

情

傷前村有箇人共賞葉

兒

今日在何方早把春心蕩免教人斷腸

水紅細思

量誰真誰謊自古佳人薄命怨殺斷頭香

桃

花也會殢劉郎

恨

遠山無計留張敞花陰月影看看

過牆朝雲暮雨誰覺夜長

香

推得今宵過明朝又

〔怎〕當

〔排歌〕

鶯兒對燕子雙飛來飛去為誰忙〔黃鶯〕偏

不到他行

此調舊譜所無想自希哲創之也余猶及

如何故又且將商調與仙呂相出入亦非體也但此調盛行于時聊載之耳怨殺或作恨燒了誰覺

或作腫覺或作

誰家皆非也

薄媚曲破

似入破又微有不同姑錄于此

東牆記

兩情濃非容易都總關前世你嬌柔咱聽慧分明天

賜佳配須念奴身家本〔簪〕纓之裔告伊知休覩奴若

風塵潑妓豈如是卑末非同別的頗頗知文理略舉

頭有神祇一天恩愛〔怎〕忘伊兩次〔三〕回只管推來推

去爲甚的。粧盡千般風流樣勢。奴家在室終日重門
閉。恁知今日千金。廉潔身體。等閒輕棄。今旣奴把終
身付你。休要將來忘恩負義。鸞鳳和鳴情正美。星眼
朦朧閉。歛黛眉。細看伊。便似有怯雨羞雲意。奴在深
閨。夫婦鴛鴦滋味。尚未知。此際方曉新婚燕爾。懷兒
緊貼手兒輕惜。舌送暗香。粉汗溶。嬌聲顫。困無力。雨
散雲收。金鳳釵橫雲髻。似醉裏檀口猶然吁吁喘息。
咱甚分福。貧困間得遇多殊麗。更才貌俊美。我共伊。
真一對鄭州梨。生死相隨。若在地願連理。在天時同

諧比翼。伊聽啓。奴家自欣喜。心兒間憐愛伊。恰渾如
掌上珠。猶難比。石爛松枯。休得三心兩意。似恁的博
得今生團圓到底。夫妻事。輻輳因緣歡會。盡如是長
記取。深情密意。莫拋棄。共同往神前拜跪。設下山盟
海誓。推他雷切身字。貼字。香字。落字。收字。福字。如字。
珠字。枯字。俱不用韻。是字。去字。爾字。時字。事字。
俱借韻。

三十腔 與散曲薄
情種同調

孟月梅 傳
奇

恨無極。爲冤家朝暮意。休戚仗他傳消息。奈何花
神不遇東君力。那更連朝風雨急。婆婆真箇便與用

力。**怎**敢忘恩義。兩處團圓定有日。不用苦**愁**勞役。從

今後我只回護你。但莫教別箇知。多十日少**三**朝。管

取如魚水。女聘男婚人之大禮。不謂相公生出是和

非平地阻隔佳期。情知道女孩兒**心**下是氣不氣。許

得糖**甜**蜜蒂。莫明朝一似耳邊風吹。你每從來有**心**

機。湏着用些拖刀計。**尋**常樂事尚能料理。如今小事。

當得**甚**的。須要伊手裏。諸匹配。女兒家**甚**般所爲。盡

月梅自知不是。想鶯鶯待月西廂記。落箇俊美名兒。

要偷期。且看傍州例。你箇年老紅娘作道理。若得張

君瑞做手飛便是成全了我一世女貌郎才兩相宜。
真箇是天生一對兒。(心)眼相同到這里比翼鳥連理。
枝幸有多殊麗。好箇風流婿。自古夫妻是福齊。果是
惺惺愛靈利。從(今)不空了鴛鴦被。向粧臺宜早起。待
那情人來畫眉。偏稱對月(臨)風。不負媚景良時。梅香
自想人生能有幾。正後生時怎忍凌費。來朝須有稱
(心)時傳玉笋。泛(金)卮莫冷熱無終始。有朝(一作入)一日成姻
契。天長地久重相會。那時好好謝良媒。須教早早得
完備。尾聲。因緣到此非容易。(錦)香亭上賦新詩。契合

皆因手帕兒。○朝字、昏字、鳥字、風字、想字、第字、俱不
用韻事字、是字、兒字、枝字、時字、始字、
詩字俱借韻。今人或有不唱薄情種者。所對二十箇腔
大抵不是其點板。皆不足法也。故此曲不敢點板。

九迴腸凡仙呂南呂雙調

張伯起作

解三一從他春絲牽掛到如今多少嗟呀秋波望斷

藍橋下鎖春山。又阻巫峽。音書未托魚和鴈。凶吉難

憑鵲與鴉。成話。韋三學當時鏡裏花難把更那堪塵

掩菱花。佳人已屬沙吒利。義士今無古押衙。急只

索向無人處。把鮫鮪看。見盟言在不覺。淚如麻。話字

平聲尤順利字下不可點截板。索音色急三鎗。卽
在風入松後。如琵琶記他去空山裏。把裙抱土血。

流指感得神明助與他築墳臺幾句也
今世相傳為急三鎗但舊譜未明開耳

巫山十二峰
與詩餘不同

梁伯龍作

仙院落清明左右遇花時倍倂悠關河路阻鴈歸

書未有白練清畫上小樓柰觸目雲山都是愁難尋

究風餐水宿淡烟疎柳醉大輻輳雙雙配偶是誰人

打散覆水難收離筵恨譜書不盡舊日根由無譬天

樂緣何處處藏機殼誓把菱花生分割繫春鴻另越

書郵掣文鴛還添械扭絆驂駟使人更射戈矛把胡

千山萬水親投首逆來俱順受自知萬死一生為郎

甘出醜香編任千般斷送已拚却一命丟誰知您

毒劣却又得神明祐賈憲歎如今流落滄洲何處天

南海北頭科停雲滯雨似縹緲孤鷗劉潑房櫳靜掩

眉兒皺應未休性格兒還如舊三換風花路岐暮雲

時候秋深別館想寒生弊裘此事明知拖逗這其間

只是我不合來把伊掣肘賀新致娘行害得無人救

首信遠有離叩高節風迴順水舟坐中流江頭有日

輕帆走功名就夙志酬因緣又絲雲飛處青鸞聚東

令腰纏騎鶴上揚州談笑覓封侯尾聲喜重諧言非

謬。試看織女共牽牛。擬定相逢一歲週。生字、劣字、岐

俱不必用韻上小樓上字、用在小字上、若唱上聲、不美聽、只得唱去聲矣、覆音、福射音石、粗音丑、聽只得唱去聲矣、按三換頭前二句、是五韻、美中二句、是蠟梅花、今用于此、是巫山十三峰、非十二峰矣、作詞者若能另用南昌別曲幾句、以代三換頭一調、尤為得體、不可泥此曲而為伯龍護短也。